

# **Cyngor Bwrdeistref Sirol Rhondda Cynon Taf Cynllun Teledu Cylch Cyfyng Goruchwylio Mannau Cyhoeddus**



Dogfen Bolisi 2017

**Cod ymarfer ar gyfer rheoli a gweithredu'r System Teledu Cylch Cyfyng mewn Mannau  
Cyhoeddus**

Cydymffurfio â'r canlynol:

BS 7958:2015 Teledu Cylch Cyfyng – Rheoli a Gweithredu – Cod Ymarfer

BS 7499: 2013 Gwarchod Safleoedd Sefydlog a Gwasanaethau Patrôl Symudol – Cod Ymarfer (Rhannau Perthnasol)

BS 7858: 2012 Sgrinio Diogelwch Unigolion a Gyflogir mewn Amgylchedd Diogel – Cod Ymarfer

Cod Ymarfer Teledu Cylch Cyfyng y Comisiynydd Gwybodaeth  
Cod Ymarfer Camerâu Goruchwylio'r Swyddfa Gartref

## Cynnwys

### Adran

1. Cyflwyniad ac Amcanion (Tudalen 3)
2. Datganiad Diben (Tudalen 4)
3. Egwyddorion a Pholisïau (Tudalen 7)
4. Atebolrwydd a Gwybodaeth i'r Cyhoedd (Tudalen 12)
5. Aseiad o'r system a'r Cod Ymarfer (Tudalen 13)
6. Rheoli a Gweithredu Camerâu (Tudalen14)
7. Mynediad a diogelwch ar gyfer y Ganolfan Reoli a'r cyfarpar cysylltiedig (Tudalen 18)
8. Rheoli deunydd a recordir (Tudalen 19)
  - Atodiad A Personél Allweddol
  - Atodiad B Arwydd Teledu Cylch Cyfyng RhCT
  - Atodiad C Hysbysiad Mynediad Cyfyngedig
  - Atodiad Ch Lleoliadau Camerâu

## 1.0 CYFLWYNIAD AC AMCANION

### Cyflwyniad

*Cyflwynwyd system Teledu Cylch Cyfyng i Gyngor Rhondda Cynon Taf. Mae'r system hon, a adwaenir fel 'System Teledu Cylch Cyfyng Canol Trefi Cyngor Rhondda Cynon Taf (y cyfeirir ati o hyn ymlaen fel y System), yn cynnwys nifer o gamerâu wedi'u gosod mewn lleoliadau strategol. Mae pob un yn gwbl weithredol gyda chyfleusterau panio, gogwyddo a chwyddo. Mae eraill yn gamerâu sefydlog, y cyflwynir delweddau ohonynt yn yr un ystafell. At ddibenion y ddogfen hon, 'perchennog' y system yw Cyngor Rhondda Cynon Taf. At ddibenion y Ddeddf Diogelu Data, y 'rheolwr data' ar gyfer y system yw'r Uwch-swyddog Teledu Cylch Cyfyng. Y 'rheolwr system' yw'r Uwch-swyddog Teledu Cylch Cyfyng. Rhoddwyd gwybod am y System i'r Comisiynydd Gwybodaeth. Dangosir manylion am bersonél allweddol, eu cyfrifoldebau a'u manylion cyswllt yn Atodiad A i'r Cod hwn.*

### Datganiad partneriaeth mewn perthynas â Deddf Hawliau Dynol 1998

Mae'r bartneriaeth yn cydnabod ei bod yn ofynnol i awdurdodau cyhoeddus a'r sefydliadau sy'n ymgymryd â swyddogaethau o natur gwasanaeth cyhoeddus barchu'r rhwymedigaethau a osodir gan Ddeddf Hawliau Dynol 1998, ac mae hi o'r farn bod defnyddio Teledu Cylch Cyfyng yn Rhondda Cynon Taf yn adnodd angenrheidiol, cymesur ac addas i helpu i leihau troseddau, lleihau ofn troseddau a gwella diogelwch y cyhoedd.

Dangosir tystiolaeth o'r asesiad hwn gan ddogfen 'gofyniad gweithredol' gytûn. Mae Adran 163 o Ddeddf Cyfiawnder Troseddol a Threfn Gyhoeddus 1994 yn creu'r pŵer i awdurdodau lleol ddarparu lluniau teledu cylch cyfyng o unrhyw dir yn eu hardal at ddibenion atal troseddu neu les dioddefwyr ac ystyir ei bod hefyd yn fenter angenrheidiol gan y Partneriaid tuag at eu dyletswydd o dan Ddeddf Trosedd ac Anhrefn 1998.

Cydnabyddir y gellir ystyried bod gweithredu'r System yn tresmasu ar breifatrwydd unigolion. Mae'r Bartneriaeth yn cydnabod mai ei chyfrifoldeb hi yw sicrhau y dylai'r cynllun bob amser gydymffurfio â'r holl ddeddfwriaeth berthnasol, er mwyn sicrhau ei gyfreithlondeb a'i gyfreithlonrwydd. Dim ond fel ymateb cymesur i broblemau a nodwyd y caiff y cynllun ei ddefnyddio a dim ond i'r graddau ei fod yn angenrheidiol mewn cymdeithas ddemocrataidd, er budd diogelwch gwladol, diogelwch y cyhoedd, llesiant economaidd yr ardal, er atal a chanfod trosedd neu anhrefn, er diogelu iechyd a moesau, neu er diogelwch hawliau a rhyddid pobl eraill.

Bydd y Codau Ymarfer ac ufuddhau i'r Gweithdrefnau Gweithredol yn y llawlyfr yn sicrhau bod tystiolaeth yn cael ei sicrhau a'i chadw a'i bod ar gael yn unol â'r gofynion er mwyn sicrhau bod parch llwyr at hawl pawb i dreial rhydd.

Caiff y System ei gweithredu â pharch i'r unigolion i gyd, gan gydnabod yr hawl i fod heb driniaeth greulon neu ddiraddiol, ac osgoi gwahaniaethu ar unrhyw sail megis rhyw, hil, lliw, iaith, crefydd, barn wleidyddol neu farn wleidyddol arall, tarddiad cenedlaethol neu gymdeithasol, cysylltiad â lleiafrif cenedlaethol, eiddo, genedigaeth neu statws arall.

## Amcanion y System

Dyma amcanion y System, fel y'u pennwyd gan y perchnogion/partneriaid, sy'n ffurfio'r sail gyfreithiol ar gyfer prosesu data:-

- *Helpu i leihau ofn troseddau*
- *Helpu i atal troseddau*
- *Helpu i ganfod troseddau a darparu deunydd tystiolaethol ar gyfer achosion llys*
- *Cynorthwyo wrth reoli canol trefi yn gyffredinol yn Rhondda Cynon Taf a gwmpesir gan ei system teledu cylch cyfyng canol trefi*
- *Gwella diogelwch cymunedol, cynorthwyo wrth ddatblygu lles economaidd yr ardal ac annog mwy o ddefnydd o ganol y trefi, meysydd parcio ardaloedd siopa ac ati*
- *Cynorthwyo'r Awdurdod Lleol yn ei swyddogaethau gorfodi a rheoleiddio yn yr ardaloedd a gwmpesir*
- *Cynorthwyo wrth gefnogi achos sifil a fydd yn helpu i ganfod trosedd*
- *Cynorthwyo wrth hyfforddi gweithredwr teledu cylch cyfyng, yr Heddlu ac eraill sy'n gysylltiedig â defnyddio'r system Teledu cylch cyfyng*

## Llawlyfr Gweithdrefnol

Ategir y Cod Ymarfer hwn (y cyfeirir ato o hyn ymlaen fel 'y Cod') gan 'Lawlyfr Gweithdrefnol' ar wahân sy'n cynnig cyfarwyddiadau ar bob agwedd ar weithredu'r system o ddydd i ddydd. Er mwyn sicrhau bod diben ac egwyddorion y system teledu cylch cyfyng yn cael eu gwireddu, mae'r llawlyfr gweithdrefnol yn seiliedig ac yn ymhelaethu ar gynnwys y Cod Ymarfer hwn.

## 2.0 Datganiad o Ddiben

### Diben

Diben y ddogfen hon yw nodi bwriad y perchnogion a'r rheolwyr, ar ran y bartneriaeth gyfan a chyhyd ag y bo'n rhesymol ymarferol, i gefnogi amcanion y System ac amlinellu sut y bwriedir gwneud hynny.

'Diben' y system, a'r broses a fabwysiedir wrth bennu'r 'Rhesymau' am weithredu'r 'System' fel y'i diffiniwyd yn flaenorol er mwyn cyflawni'r amcanion y manylwyd arnynt yn Adran 1.

### Egwyddorion Cyffredinol Gweithredu

Caiff y system ei gweithredu yn unol â holl ofynion ac egwyddorion Deddf Hawliau Dynol 1998.

Bydd gweithredu'r system hefyd yn cydnabod yr angen am awdurdodi ffurfiol unrhyw guddwylio 'cyfeiriedig' neu oruchwylio tueddiadau trosedd (man troseddu aml) yn unol â gofynion Deddf Rheoleiddio Pwerau Ymchwilio 2000 a pholisi'r heddlu.

Caiff y system ei gweithredu yn unol â'r Ddeddf Diogelu Data ar bob adeg.

Caiff y System ei gweithredu'n deg, o fewn y gyfraith, a dim ond at y dibenion y cafodd ei sefydlu ac a nodir yn y Cod hwn, neu y cytunir arnynt wedyn yn unol â'r Cod Ymarfer hwn.

Caiff y system ei gweithredu gyda sylw dyledus i'r egwyddor bod gan bob un yr hawl i barch at ei fywyd preifat a theuluol a'i gartref.

Caiff budd y cyhoedd yng ngweithrediad y system ei gydnabod trwy sicrhau diogelwch ac uniondeb gweithdrefnau gweithredol.

Trwy gydol y Cod Ymarfer hwn, cyn belled ag y bo'n rhesymol bosibl, bwriedir cydbwysu amcanion y System Teledu Cylch Cyfyng â'r angen i ddiogelu hawliau'r unigolyn. Gwnaed pob ymdrech trwy gydol y Cod i nodi bod strwythur ffurfiol wedi'i roi ar waith, gan gynnwys gweithdrefn gwyno. Trwy'r weithdrefn hon, yn ogystal â bod yn atebol, gellir gweld bod y System yn atebol.

Mae cymryd rhan yn y system gan unrhyw sefydliad, unigolyn neu awdurdod yn tybio cytundeb gan yr holl gyfranogwyr i gydymffurfio'n llwyr â'r Cod hwn a bod yn atebol o dan y Cod Ymarfer.

### **Hawlfraint**

Y rheolwr data fydd yn cadw hawlfraint a pherchnogaeth yr holl ddeunydd a recordir drwy rinwedd y System.

### **Camerâu a Chwmpas Ardal**

Mae camerâu'n cynnig galluogrwydd panio, gogwyddo a chwyddo mewn lliw, y gall rhai ohonynt newid yn awtomatig i ddu a gwyn mewn amodau golau isel.

Ni fydd y camerâu a fydd yn rhan o'r System yn cael eu gosod mewn modd cudd. Gellir amgáu rhai camerâu mewn 'cromenni pob tywydd' am resymau esthetig neu weithredol, ond bydd presenoldeb yr holl gamerâu'n cael ei nodi gan arwyddion priodol.

### **Cyfleusterau Monitro a Recordio**

Mae ystafell fonitro â staff mewn lleoliad addas yn RhCT. Mae'r cyfarpar Teledu Cylch Cyfyng yn gallu recordio'r holl gamerâu ar yr un pryd trwy gydol pob cyfnod 24 awr.

Gellir gosod cyfarpar monitro eilaidd mewn eiddo [heddlu] (arall). Ni fydd cyfarpar, heblaw am yr hyn yn y brif ystafell reoli Teledu Cylch Cyfyng, yn gallu recordio delweddau o unrhyw un o'r camerâu.

Mae gweithredwyr teledu cylch cyfyng yn gyfrifol am recordio delweddau o rai camerâu mewn amser real, ac yn cynorthwyo wrth gynhyrchu delweddau wedi'u recordio, ailchwarae neu gopïo unrhyw ddata a recordiwyd ymlaen llaw yn ôl eu disgrisiwn ac yn unol â'r Cod Ymarfer. Caiff yr holl gyfarpar gwyllo a recordio ei weithredu gan ddefnyddwyr hyfforddedig ac awdurdodedig yn unig.

### **Adnoddau Dynol**

Ni fydd gan bobl heb awdurdod fynediad heb aelod awdurdodedig o staff yn bresennol.

Caiff yr ystafell fonitro ei staffio'n benodol gan weithredwyr wedi'u dewis a'u hyfforddi'n arbennig yn unol â'r strategaeth yn y llawlyfr gweithdrefnol.

Bydd yr holl weithredwyr yn cael hyfforddiant sy'n berthnasol i'w rôl yng ngofynion Deddf Hawliau Dynol 1998, Deddf Diogelu Data 1998, Deddf Rheoleiddio Pwerau Ymchwilio 2000 a'r Codau Ymarfer a Gweithdrefnau. Darperir rhagor o hyfforddiant yn ôl yr angen.

### **Prosesu a Thrin Deunydd a Recordir**

Bydd yr holl ddeunydd a recordir yn cael ei brosesu a'i drin yn unol â'r Cod Ymarfer hwn a'r Llawlyfr Gweithdrefnol.

### Cyfarwyddiadau Gweithredwyr

Mae cyfarwyddiadau technegol ar ddefnyddio cyfarpar yn yr ystafell fonitro mewn llawlyfr ar wahân a ddarperir gan gyflenwyr y cyfarpar.

### Newidiadau i'r Cod neu'r Llawlyfr Gweithdrefnol

Bydd newidiadau mawr i'r Cod Ymarfer neu'r Llawlyfr Gweithdrefnol, (h.y. a fydd yn cael effaith sylweddol ar y Cod Ymarfer neu ar weithrediad y system) yn digwydd dim ond ar ôl ymgynghori â'r holl sefydliadau y mae ganddynt rôl gyfranogol yng ngweithrediad y system a chael cytundeb ganddynt.

Gellir cytuno ar fân newid, (h.y. fel y gall fod yn ofynnol ar gyfer eglurhad ac na fydd yn cael effaith mor sylweddol) rhwng y rheolwr a pherchnogion y system.

#### Nodiadau

- I. Ystyrir y caiff camera Teledu Cylch Cyfyng ei osod yn **agored** oni bai y caiff ei osod mewn modd lle mae ei bresenoldeb yn cael ei guddio'n fwriadol o olwg unrhyw un sy'n debygol o fod o fewn golwg y camera hwnnw.
- II. Nid ystyrir bod camerâu y gellir eu gosod mewn cromenni neu eu gorchuddio er mwyn lleihau tebygolrwydd asesu eu golwg, neu er mwyn eu diogelu rhag tywydd neu ddifrod, yn gudd ar yr amod y caiff arwyddion priodol sy'n nodi defnydd o gamerâu o'r fath eu dangos yn y cyffiniau.
- III. Anogir peidio â defnyddio camerâu 'ffug' fel rhan o System Teledu Cylch Cyfyng. Gwerth ataliol mwyaf System Teledu Cylch Cyfyng yw ei phŵer i gynhyrchu deunydd tystiolaethol ac, wrth wneud hynny, roi sicrwydd i'r rhai y bwriedir eu hamddiffyn.
- IV. Cydnabyddir y gweithredir llawer o Systemau Teledu Cylch Cyfyng yn 'rhan-amser' neu heb fudd ystafell fonitro â staff. Yn y fath achosion, dylid cymhwyso cyfeiriad at 'ystafelloedd monitro' trwy gydol y Cod hwn i gyfleusterau monitro a recordio presennol fel y bo'n briodol.
- V. Hefyd, er budd diogelwch, cydnabyddir nad yw perchnogion System Teledu Cylch Cyfyng am i union leoliad yr ystafell fonitro berthnasol gael ei gynnwys yn nhestun Cod Ymarfer.

### 3.0 EGWYDDORION A PHOLISIAU SYLFAENOL

#### Pryder y Cyhoedd

Er ei bod yn bosibl bod y rhan fwyaf o aelodau'r cyhoedd yn gyffredinol wedi arfer â 'chael eu gwylio', mae'r rhai sy'n mynegi pryder yn gwneud hynny'n bennaf dros faterion sy'n ymwneud â phrosesu'r wybodaeth, (neu'r data) h.y. yr hyn sy'n digwydd i'r deunydd a geir.

**Sylwer:** Ystyr '*prosesu*' yw **cael, recordio** neu **gadu'r** wybodaeth neu'r data neu **gynnal gweithrediad** neu **gyfres o weithrediadau** ar y wybodaeth neu'r data.

Bydd yr holl ddata personol a geir trwy rinwedd y System, yn cael eu prosesu'n deg ac yn gyfreithlon ac, yn benodol, dim ond wrth gyflawni amcanion y system a nodwyd y caiff eu prosesu. Wrth brosesu data personol, bydd parch llwyr at hawl pob un at ei fywyd preifat a theuluol a'i gartref.

Bydd dulliau storio a diogelwch y data yn unol â gofynion Deddf Diogelu Data 1998 a gweithdrefnau ychwanegol y cytunir arnynt yn lleol.

#### Deddfwriaeth Diogelu Data a Hawliau Dynol

Yn unol â deddfwriaeth bresennol Diogelu Data, rhoddwyd gwybod i Swyddfa'r Comisiynydd Gwybodaeth am weithrediad y System.

'Rheolwr data' y System' yw CBS Rhondda Cynon Taf a chaiff cyfrifoldeb am y data o ddydd i ddydd ei drosglwyddo i'r Uwch-swyddog Teledu Cylch Cyfyng.

Caiff yr holl ddata eu prosesu'n unol ag egwyddorion Deddf Diogelu Data 1998 sydd, yn ei ffurf gryno, yn cynnwys y canlynol, ond heb fod yn gyfyngedig iddynt:

- i) Caiff yr holl ddata personol eu sicrhau a'u prosesu'n deg ac yn gyfreithlon.
- ii) Caiff yr holl ddata personol eu cadw at y dibenion a nodwyd yn unig.
- iii) Caiff data personol eu defnyddio dim ond at y dibenion, a'u datgelu dim ond i'r bobl, a ddangosir yn y codau ymarfer hyn.
- iv) Dim ond data personol sy'n ddigonol, yn berthnasol ac nad yw'n ormodol mewn perthynas â'r diben y cedwir y data ato a gaiff eu cadw.
- v) Caiff camau eu cymryd er mwyn sicrhau bod data personol yn gywir a, lle y bo angen, yn cael eu cadw'n gyfredol.
- vi) Ni chedwir data personol yn hwy na'r hyn sy'n angenrheidiol.
- vii) Caniateir i unigolion gyrchu gwybodaeth a gedwir amdanynt a, lle y bo'n briodol, caniateir iddynt ei chywiro neu ei dileu.
- viii) Caiff gweithdrefnau eu gweithredu er mwyn rhoi mesurau diogelwch ar waith er mwyn atal mynediad heb awdurdod neu ddamweiniol at wybodaeth, ei haddasu, ei datgelu, neu ei cholli a'i dinistrio.

#### Deddf Hawliau Dynol 1998

Caiff y system ei gweithredu gan awdurdod cyhoeddus neu ar ei ran, mae'r awdurdod wedi ystyried y materion hawliau dynol ehangach ac, yn benodol, oblygiadau'r Confensiwn Ewropeaidd ar Hawliau Dynol, Erthygl 8 (yr hawl i barch at fywyd preifat a theuluol).

Mae gan bob un yr hawl i barch at ei fywyd preifat a theuluol, ei gartref a'i ohebiaeth.

Ni fydd ymyriad gan awdurdod cyhoeddus wrth arfer yr hawl hon ac eithrio yn unol â'r gyfraith ac os bydd ei hangen mewn cymdeithas ddemocrataidd er budd diogelwch gwladol, diogelwch y cyhoedd neu lesiant economaidd y wlad, er atal anhrefn a throredd, er diogelu iechyd neu foesau, neu er diogelu hawliau a rhyddid pobl eraill.

Felly, er mwyn cydymffurfio ag Erthygl 8 (1), ac Erthygl 8 (2), bydd gwasanaeth Teledu Cylch Cyfyng Cyngor RhCT bob amser yn ystyried y canlynol:

### **Deddf Gweithdrefn ac Ymchwiliadau Troseddol 1996**

Daeth Deddf Gweithdrefn ac Ymchwiliadau Troseddol 1996 i rym ym mis Ebrill 1997 a chyflwynodd fframwaith statudol ar gyfer datgelu deunydd i ddiffynydion na fyddai'r erlyniaeth yn bwriadu ei ddefnyddio yn erlyniad ei achos ei hun (a adwaenir fel deunydd nas defnyddir) ond ni ddylid drysu deunydd nas defnyddir dan ddarpariaethau'r Ddeddf hon â'r rhwymedigaethau a osodir ar y rheolwr data gan Adran 7 o Ddeddf Diogelu Data 1998, (a adwaenir fel gwrthrych gwybodaeth).

### **Cais gwrthrych am wybodaeth**

Caiff cais gan unigolyn am ddatgelu data personol y mae'n credu eu bod yn cael eu recordio trwy rinwedd y system ei gyfeirio i ddechrau at reolwr y system (Uwch-swyddog Teledu Cylch Cyfyng).

Caiff egwyddorion Adrannau 7, 8, 10 a 12 o Ddeddf Diogelu Data 1998 (Hawliau Gwrthrychau Data ac Eraill) eu dilyn mewn perthynas â phob cais.

Os na ellir cydymffurfio â'r cais heb adnabod unigolyn arall, rhaid ystyried caniatâd gan bob parti (yng nghyd-destun graddau'r preifatrwydd y gallent eu disgwyl yn rhesymol o fod yn y lleoliad hwnnw ar yr adeg honno) yn unol â gofynion y ddeddfwriaeth.

Bydd yn rhaid i unrhyw un sy'n gwneud cais allu profi ei hunaniaeth yn foddhaol a rhoi gwybodaeth ddigonol er mwyn galluogi dod o hyd i'r data.

**Sylwer** **Caiff pob cais ei asesu ar ei deilyngdod ei hun ac ni chymhwysir 'eithriadau llwyr' cyffredinol.**

### **Deddf Rhyddid Gwybodaeth (DRhG) 2000**

Os ceir cais am ddelweddau DRhG a'r unigolyn sy'n gwneud y cais yw'r gwrthrych, bydd yn cael ei eithrio rhag DRhG a chaiff ei drin o dan yr Egwyddorion Diogelu Data.

Gellir datgelu ceisiadau eraill nad ydynt yn adnabod unigolion, ond dim ond ar yr amod na fyddant yn torri'r egwyddorion diogelu data.



## Deddf Rheoleiddio Pwerau Ymchwilio 2000

### Cyflwyniad

Daeth Deddf Rheoleiddio Pwerau Ymchwilio 2000 i rym ar 2 Hydref 2000. Mae'n gosod gofyniad ar awdurdodau cyhoeddus a restrir yn Atodlen 1: Rhan 1 y ddeddf i awdurdodi mathau penodol o guddwyllo yn ystod ymchwiliadau wedi'u cynllunio.

### *Cefndir*

Mae arsylwi cyffredinol yn rhan o ddyletswyddau llawer o swyddogion gorfodi'r gyfraith a chyrrff cyhoeddus eraill. Bydd swyddogion heddlu ar batrôl mewn meysydd pêl-droed a lleoliadau eraill yn monitro'r dorf er mwyn cynnal diogelwch y cyhoedd ac atal anhrefn. Gall swyddogion hefyd dargedu man troseddu aml er mwyn adnabod ac arestio troseddwr sy'n cyflawni trosedd yn y lleoliad hwnnw. Gall safonau masnach neu swyddogion Tollau Tramor a Chartref EM arsylwi'n gudd ac yna ymweld â siop fel rhan o'u swyddogaeth orfodi er mwyn gwirio cyflenwad neu lefel cyflenwad nwyddau neu wasanaethau a all fod yn agored i gyfyngiad neu dreth. Gall y fath arsylwi gynnwys defnyddio cyfarpar er mwyn atgyfnerthu canfyddiad synhwyrdd arferol yn unig, megis ysbieddtrych, neu ddefnyddio camerâu, lle nad yw hyn yn cynnwys goruchwyllo unigolyn yn systematig. Mae'n rhan o swyddogaethau pob dydd gorfodi'r gyfraith neu gyrrff cyhoeddus eraill. Ni fydd y gweithgarwch lefel isel hwn fel arfer yn cael ei reoleiddio o dan ddarpariaethau Deddf 2000.

Hefyd, nid yw darpariaethau'r Ddeddf yn cwmpasu defnydd arferol, pob dydd o systemau Teledu Cylch Cyfyng **agored**. Mae aelodau'r cyhoedd yn ymwybodol bod y fath systemau'n cael eu defnyddio, er eu diogelwch eu hunain, ac er atal troseddu. Fodd bynnag, ni ragwelwyd sut y byddai'r Ddeddf yn effeithio ar ddefnydd penodol, wedi'i dargedu o systemau Teledu Cylch Cyfyng cyhoeddus/preifat gan 'Awdurdodau Cyhoeddus perthnasol' a gwmpesir yn Atodlen 1: Rhan 1 y Ddeddf, pan gânt eu defnyddio yn ystod eu hymchwiliadau wedi'u cynllunio.

Lle ceir ymyriad gan awdurdod cyhoeddus â hawliau Erthygl 8 (tresmasu preifatrwydd), a lle nad oes ffynhonnell awdurdod arall, gallai canlyniadau peidio â chael awdurdodiad dan y Rhan hon olygu bod y weithred yn anghyfreithlon trwy rinwedd adran 6 o Ddeddf Hawliau Dynol 1998 (hawl i dreial teg) a gallai'r dystiolaeth gael ei heithrio mewn llys dan Adran 78 o Ddeddf yr Heddlu a Thystiolaeth Droseddol 1984.

Gwahanir y Ddeddf yn bum rhan. Rhan II yw rhan berthnasol y ddeddf ar gyfer Teledu Cylch Cyfyng. Mae'n creu system o awdurdodiadau ar gyfer mathau amrywiol o guddwyllo. Y mathau o weithgarwch a gwmpesir yw "goruchwyllo ymwithiol" a "goruchwyllo gyfeiriedig". Bydd angen awdurdodiad ar y ddau fath o oruchwyliaeth, os byddant yn rhan o weithrediad a gynlluniwyd ymlaen

llaw, gan bobl benodol a enwir yn y Ddeddf. Yn ychwanegol, rhaid i'r rhesymau am y fath oruchwylio gael eu nodi'n glir a dod dan y meini prawf a amlinellir gan y ddeddfwriaeth hon. **Rhoddir gweithdrefn ar waith i gynnal adolygiadau rheolaidd o awdurdodi.**

Bydd pob cynllun RhCT yn ufuddhau i'r meini prawf a osodwyd yn y gofynion deddfwriaethol.

Ceir rhagor o wybodaeth ar wefan y Swyddfa Gartref:-

[www.homeoffice.gov.uk/ripa/ripact.htm](http://www.homeoffice.gov.uk/ripa/ripact.htm)

### **Cod Ymarfer Camerâu Goruchwylio**

Roedd y [Cod](#) Ymarfer yn un o ofynion Deddf Diogelu Rhyddidau 2012 ac mae'n pennu canllawiau i systemau Teledu Cylch Cyfyng ac Adnabod Rhifau Cerbydau yn Awtomatig i sicrhau bod eu defnydd yn agored ac yn gymesur a'u bod yn gallu cofnodi delweddau o safon sy'n rhoi cyfle gwell i'r heddlu ddal troseddwr a lleihau troseddu.

Mae'r cod wedi'i lunio ar 12 egwyddor arweiniol, sy'n rhoi fframwaith arfer da sy'n cynnwys rhwymedigaethau cyfreithiol presennol. Mae'r rhwymedigaethau presennol hynny'n cynnwys prosesu data personol o dan Ddeddf Diogelu Data 1998, dyletswydd awdurdod cyhoeddus i ufuddhau i Ddeddf Hawliau Dynol 1998 a mesurau diogelu o dan Ddeddf Rheoleiddio Pwerau Ymchwilio 2000 sy'n gysylltiedig â defnyddio goruchwylio gyfeiriedig a chuddwylio gan awdurdod cyhoeddus. Rhaid i ddefnydd o system camerâu goruchwylio wneud y canlynol:

1. Bod at ddiben penodol bob amser sy'n dilyn nod cyfreithlon ac angenrheidiol i ddiwallu angen enbyd a nodwyd
2. Ystyried ei heffaith ar unigolion a'u preifatrwydd
3. Bod mor dryloyw ag y bo modd, gan gynnwys man cyswllt cyhoeddus ar gyfer mynediad at wybodaeth a chwynion
4. Bod â chyfrifoldeb ac atebolrwydd clir dros yr holl weithgarwch goruchwylio, gan gynnwys delweddau a gwybodaeth a gaiff eu casglu, eu cadw a'u defnyddio
5. Bod â rheolau, polisïau a gweithdrefnau clir ar waith a rhaid i'r rhain gael eu cyfleu i bawb y mae angen iddynt gydymffurfio â nhw
6. Peidio â storio mwy o ddelweddau a gwybodaeth na'r hyn sy'n ofynnol
7. Cyfyngu ar fynediad i ddelweddau a gwybodaeth a gedwir gyda rheolau clir ynghylch pwy all gael mynediad
8. Ystyried bod safonau gweithredol, technegol a chymhwysedd cymeradwy sy'n berthnasol i system a'i diben a'i gwaith i gyrraedd a chynnal y safonau hynny
9. Bod yn amodol ar fesurau diogelwch priodol er mwyn diogelu yn erbyn mynediad a defnydd heb awdurdod

10. Bod â dulliau adolygu ac archwilio effeithiol er mwyn sicrhau cydymffurfio â gofynion, polisiau a safonau cyfreithiol
11. Cael eu defnyddio yn y ffordd fwyaf effeithiol er mwyn cefnogi diogelwch y cyhoedd a gorfodi'r gyfraith â'r nod o brosesu delweddau a gwybodaeth o werth tystiolaethol, pan gânt eu defnyddio wrth ddilyn nod cyfreithlon
12. Bod yn gywir a chael eu cadw'n gyfredol pan ddefnyddir gwybodaeth i gefnogi system camerâu goruchwyllo sy'n cymharu yn erbyn cronfa ddata gyfeirio at ddibenion paru.

Er bod yr egwyddorion uchod yn wirfoddol, rhaid i Awdurdodau Lleol eu hystyried a bydd Cyngor RhCT yn gweithio er mwyn parhau i gydymffurfio â'r gofynion.

Ceir gwybodaeth a chopi o'r Codau ar [www.gov.uk/government/uploads](http://www.gov.uk/government/uploads)

## 4.0 Atebolrwydd a Gwybodaeth Gyhoeddus

### Y Cyhoedd

Am resymau diogelwch a chyfrinachedd, cyfyngir ar fynediad i'r ystafell fonitro Teledu Cylch Cyfyng yn unol â'r Cod Ymarfer hwn. Fodd bynnag, er budd bod yn agored ac yn atebol, caniateir i unrhyw un sydd am ymweld â'r ystafell wneud hynny, yn amodol ar gymeradwyaeth rheolwr y System ac ar ôl gwneud trefniadau ymlaen llaw ag ef.

Ni chaiff camerâu eu defnyddio er mwyn edrych i mewn i eiddo preswyl preifat. Lle mae'r cyfarpar yn ei alluogi, caiff 'parthau preifatrwydd' eu rhaglennu i mewn i'r system fel y bo'n ofynnol er mwyn sicrhau na fydd y camerâu'n goruchwyllo'r tu mewn i unrhyw eiddo preswyl preifat sydd o fewn cwmpas y system. Os na ellir rhaglennu'r fath 'barthau', caiff y gweithredwyr eu hyfforddi'n benodol mewn materion preifatrwydd.

Gall aelod o'r cyhoedd sydd am gofrestru cwyn ynghylch unrhyw agwedd ar y System wneud hynny trwy gysylltu â swyddfa rheolwr y System. Trinnir pob cwyn yn unol â gweithdrefn gwyno'r Awdurdod. Bydd materion perfformiad a nodir yn cael eu hystyried o dan weithdrefnau disgyblu'r sefydliad y mae holl aelodau'r Awdurdod, gan gynnwys personél Teledu Cylch Cyfyng, yn ddarostyngedig iddynt.

### Rheolwr y System

Bydd gan y rheolwr a enwebir yn Atodiad A gyfrifoldeb o ddydd i ddydd dros y system gyfan.

Bydd y system yn destun archwiliad blynyddol,

Bydd rheolwr y system yn sicrhau y cydnabyddir pob cwyn yn ysgrifenedig o fewn pum diwrnod gwaith a fydd yn cynnwys rhoi gwybod i'r achwynydd am y weithdrefn ymholiadau i'w chynnal. Caiff adroddiad ffurfiol ei anfon ymlaen at enwebai perchennog y system a enwir yn Atodiad A, gan roi manylion am bob cwyn a chanlyniad ymholiadau perthnasol.

**Sylwer:***Byddai proses rag-fyr anffurfiol lle mae Rheolwr y System yn rhoi gwybod i berchnogion y system am unrhyw gwyn o fewn 7 niwrnod gwaith yn cael ei hystyried yn arfer gorau.*

Bydd gwybodaeth ystadegol a gwybodaeth berthnasol arall, gan gynnwys cwynion a wneir, yn cael ei chynnwys yn Adroddiadau Blynyddol yr Awdurdod, sydd ar gael yn gyhoeddus.

### Gwybodaeth i'r Cyhoedd

#### Cod Ymarfer

Caiff copi o'r Cod Ymarfer hwn ei gyhoeddi ar wefan yr Awdurdod a bydd copi ar gael i unrhyw un ar gais. Caiff copiau ychwanegol eu rhoi mewn gorsafoedd heddlu a swyddfeydd *derbynfa* yr Awdurdod.

### Adroddiad Blynyddol

Caiff yr adroddiad blynyddol ac adroddiad blynyddol blynyddoedd dilynol ei gyhoeddi ym mis Mehefin y flwyddyn sy'n dilyn y flwyddyn adrodd. Hefyd, bydd copi o'r adroddiad blynyddol ar gael ar wefan yr Awdurdod.

### Arwyddion

Caiff arwyddion (fel y gwelir isod) eu gosod yn ardal y camerâu a ger prif fynedfeydd y manau perthnasol, e.e. gorsafoedd trenau a bysiau. Bydd yr arwyddion yn nodi:

- i) Presenoldeb monitro system Teledu Cylch Cyfyng;
- ii) 'Perchnogaeth' y system;
- iii) Rhif ffôn cyswllt rheolwr data'r system.

Atodiad B

## 5.0 Asesiad o'r system a'r Cod Ymarfer

### **Gwerthuso**

Caiff y System ei gwerthuso'n annibynnol bob hyn a hyn er mwyn cadarnhau a gydymffurfir â dibenion y system ac a gyflawnir yr amcanion. Bydd fformat y gwerthusiad yn cydymffurfio â'r hyn a osodir gan Gyfarwyddiaeth Ystadegau ac Ymchwil y Swyddfa Gartref a'r Gyfarwyddiaeth Ymchwil yng Nghanolllawiau Cynnig y Swyddfa Gartref ac ar sail asesiad o Fewnbynnau, Allbynnau, Proses ac Effaith y cynllun.

- i) *Asesiad o'r effaith ar drosedd: Bydd yr asesiad hwn yn cynnwys yr ardal gyfagos a gwmpesir gan y camerâu, yn ogystal â'r dref ehangach, rhanbarthau'r heddlu a thuaddiadau cenedlaethol.*
- ii) *Asesiad o'r digwyddiadau sy'n cael eu monitro gan y system*
- iii) *Asesiad o'r effaith ar fusnes canol y dref*
- iv) *Asesiad o ardaloedd cyfagos heb system Teledu Cylch Cyfyng*
- v) *Barn y cyhoedd*
- vi) *Gweithrediad y Cod Ymarfer*
- vii) *Ayw'r dibenion y cafodd y system ei sefydlu ar eu cyfer yn berthnasol o hyd*
- viii) *Cost-effeithiolrwydd*

Caiff canlyniadau'r gwerthusiad eu cyhoeddi a'u defnyddio er mwyn adolygu a datblygu addasiadau at ddiben ac amcanion y cynllun a nodwyd, yn ogystal â dulliau rheoli a gweithredu'r system.

Bwriedir y dylid cynnal gwerthusiadau o leiaf bob dwy flynedd.

### **Monitro**

Bydd rheolwr y system yn derbyn cyfrifoldeb o ddydd i ddydd am fonitro, gweithredu a gwerthuso'r system a gweithredu'r Cod Ymarfer hwn.

Bydd rheolwr y system hefyd yn gyfrifol am gynnal yr holl wybodaeth reoli o ran y digwyddiadau yr ymdrinnir â nhw yn yr ystafell fonitro, i'w defnyddio wrth reoli'r system ac mewn gwerthusiadau yn y dyfodol.

### Archwilio

Bydd archwilydd yr Awdurdod neu unigolyn priodol arall, neu ei ddirprwy enwebedig, nad yw'n rheolwr y system, a fydd yn gyfrifol am archwilio gweithrediad y system yn rheolaidd a chydymffurfio â'r Cod Ymarfer hwn. Bydd archwiliadau, a all fod ar ffurf hapwiriadau afreolaidd yn y man a'r lle, yn cynnwys archwilio cofnodion yr ystafell fonitro, hanes lluniau digidol a chynnwys deunydd a recordiwyd.

### Arolygu

Gellir penodi corff o unigolion nad oes ganddynt gyswllt na pherthynas uniongyrchol â gweithrediad y system i fod yn gyfrifol am arolygu gweithrediad y system.

Dylid cynnal arolygiadau o leiaf unwaith y flwyddyn galendr gan ddim mwy na dau unigolyn ar unrhyw adeg. Caniateir i'r arolygwyr gael mynediad i'r ystafell fonitro teledu cylch cyfyng, heb rybudd ymlaen llaw ac at y cofnodion a gedwir yno ar unrhyw adeg, ar yr amod na fydd eu presenoldeb yn tarfu ar weithrediad yr ystafell. Caiff eu canfyddiadau eu hadrodd i'r Archwilydd a chaiff eu hymweliad ei gofnodi yn yr ystafell fonitro Teledu Cylch Cyfyng.

## 6.0 Rheoli a Gweithredu Camerâu

### Egwyddorion Arweiniol

Bydd unrhyw un sy'n gweithredu'r camerâu'n ymddwyn yn gwbl onest ar bob adeg. Caiff yr holl gyfarpar a ddefnyddir ar gyfer monitro, recordio ac adolygu ei weithredu ar bob adeg dim ond gan bobl sydd wedi'u hyfforddi i'w ddefnyddio a goblygiadau deddfwriaethol eu defnyddio.

Bydd pob defnydd o'r camerâu'n cyd-fynd â dibenion ac amcanion allweddol y system a bydd yn cydymffurfio â'r Cod Ymarfer hwn.

Ni chaiff camerâu eu defnyddio er mwyn edrych i mewn i eiddo preswyl preifat. Gellir rhaglennu 'parthau preifatrwydd' i mewn i'r system (lle bynnag y bo'n ymarferol bosibl) er mwyn sicrhau na fydd y camerâu'n goruchwyllo'r tu mewn i unrhyw eiddo preswyl preifat sydd o fewn cwmplas y system.

**Sylwer:** Gall helpu i liniaru ofnau preswylwyr sy'n byw o fewn golwg camera os gwneir darpariaeth iddynt ymweld â'r ystafell fonitro. Gallai hyn roi sicrwydd ac atgyfnerthu'r ymagwedd broffesiynol a fabwysiedir at reoli'r system ac ufuddhau i'r gweithdrefnau.

Bydd gweithredwyr camerâu yn ystyriol o arfer rhagfarnau a all arwain at gwynion bod y system yn cael ei defnyddio at ddibenion ac eithrio'r rhai y cafodd ei chreu ar eu cyfer. Bydd yn ofynnol i'r gweithredwyr gyfiawnhau eu diddordeb mewn unrhyw unigolyn, grŵp o unigolion neu eiddo, neu ei/eu recordio, ar unrhyw adeg trwy rinwedd archwilio'r system neu gan reolwr y system.

## Rheolaeth Sylfaenol

Dim ond yr aelodau staff hyfforddedig (trwyddedig) ac awdurdodedig â chyfrifoldeb am ddefnyddio'r cyfarpar Teledu Cylch Cyfyng a fydd â mynediad at y rheolyddion gweithredu. Bydd gan y gweithredwyr hynny reolaeth sylfaenol ar bob adeg.

## Rheolaeth Eilaidd

Darperir cyfleusterau monitro eilaidd yng Ngorsaf Heddlu Pontypridd.

Yn amodol ar ganiatâd a roddir gan Reolwr y System, gall ystafelloedd rheoli eilaidd gymryd rheolaeth o weithrediad y camerâu. Caiff y defnydd o gyfleusterau rheoli a monitro eilaidd ei weinyddu a'i gofnodi yn unol â'r Cod Ymarfer hwn a'r Llawlyfr Gweithdrefnol ac nid yw'n lleihau o gwbl y rhwymedigaethau a osodir ar unrhyw un o'r bobl dan sylw er mwyn cydymffurfio â'r holl ofynion deddfwriaethol presennol.

## **Bydd recordiadau a gwybodaeth a gesglir o system goruchwylio Teledu Cylch Cyfyng 'man cyhoeddus' yn cael eu storio'n unol â hynny mewn manau storio diogel penodedig.**

## Rheolaeth Weithredol o'r System gan yr Heddlu

O dan amgylchiadau gweithredol prin ac eithafol, caiff yr Heddlu wneud cais i reoli defnydd o'r System y mae'r Cod Ymarfer hwn yn berthnasol iddi. Gall yr amgylchiadau hyn fod yn brif ddigwyddiad sy'n cael effaith sylweddol ar atal a chanfod trosedd neu ddiogelwch y cyhoedd. Bydd y fath ddefnydd yn rhoi trosolwg cyffredinol o ddigwyddiadau i'r heddlu er mwyn rheoli'r digwyddiad.

Caiff y fath geisiadau eu hystyried ar wahân i ddefnyddio camerâu'r system gyda sylw i'r gofyniad i awdurdod ar gyfer mathau penodol o oruchwylio o dan Ddeddf Rheoleiddio Pwerau Ymchwilio 2000.

Bydd ceisiadau a wneir fel uchod yn cael eu hystyried ar gais ysgrifenedig swyddog heddlu nad yw'n is na rheng uwcharolygydd. Dim ond ar ôl cael caniatâd ysgrifenedig personol cynrychiolydd uchaf perchnogion y System, neu ddirprwy dynodedig o statws cyfartal, y gellir bodloni'r fath gais. Os bydd angen brys, bydd cais llafar yr uwch-swyddog â gofal ac, mewn unrhyw achos, swyddog nad yw ei reng yn is nag arolygydd, yn angenrheidiol. Dylid dilyn hyn cyn gynted ag y bo'n ymarferol o fewn 72 awr gan gais ysgrifenedig uwcharolygydd.

Os caniateir y fath gais, bydd yr Ystafell Ffonitro'n parhau i gael ei staffio gan bersonél sydd wedi'i hyfforddi'n benodol ac yn dod dan delerau'r Cod hwn a bydd yr un personél yn gweithredu'r cyfarpar. Yna, bydd yn gweithredu o dan reolaeth y swyddog heddlu a ddynodir yn y cais llafar/ysgrifenedig, gan ystyried ei chyfrifoldebau o dan y cod hwn.

Mewn amgylchiadau eithafol iawn, gellir gwneud cais i'r Heddlu gymryd rheolaeth lwyr o'r System yn ei chyfanrwydd, gan gynnwys staffio'r ystafell fonitro a rheolaeth bersonol o'r holl gyfarpar cysylltiedig, i eithrio holl gynrychiolwyr perchnogion y System. Dylid gwneud y fath gais i reolwr y System i ddechrau. Bydd yn ymgysylltu'n bersonol â swyddog uchaf perchnogion y System (neu ddirprwy dynodedig o statws cyfartal). Rhaid gwneud cais am reolaeth unigryw lwyr yn ysgrifenedig gan swyddog heddlu nad yw ei reng yn is na Phrif Gwnstabl Cynorthwyol neu unigolyn o statws cyfartal.

## Rheolaeth Sylfaenol

Dim ond yr aelodau staff hyfforddedig (trwyddedig) ac awdurdodedig â chyfrifoldeb am ddefnyddio'r cyfarpar Teledu Cylch Cyfyng a fydd â mynediad at y rheolyddion gweithredu. Bydd gan y gweithredwyr hynny reolaeth sylfaenol ar bob adeg.

## Rheolaeth Eilaidd

Darperir cyfleusterau monitro eilaidd yng Ngorsaf Heddlu Pontypridd.

Yn amodol ar ganiatâd a roddir gan Reolwr y System, gall ystafelloedd rheoli eilaidd gymryd rheolaeth o weithrediad y camerâu. Caiff y defnydd o gyfleusterau rheoli a monitro eilaidd ei weinyddu a'i gofnodi yn unol â'r Cod Ymarfer hwn a'r Llawlyfr Gweithdrefnol ac nid yw'n lleihau o gwbl y rhwymedigaethau a osodir ar unrhyw un o'r bobl dan sylw er mwyn cydymffurfio â'r holl ofynion deddfwriaethol presennol.

**Ni fydd gwybodaeth sy'n cael ei chasglu o system goruchwyllo Teledu Cylch Cyfyng 'mannau cyhoeddus' byth yn cael ei recordio unrhyw le arall heblaw am yr ystafell fonitro Teledu Cylch Cyfyng sylfaenol ddynodedig.**

### Cynnal a chadw'r system

Er mwyn sicrhau bod cydymffurfio â Chod Ymarfer y Comisiynydd Gwybodaeth a bod y delweddau sy'n cael eu recordio'n parhau i fod o ansawdd tystiolaethol priodol, caiff y System ei chynnal a'i chadw'n unol â gofynion y Llawlyfr Gweithdrefnol o dan gytundeb cynnal a chadw.

Bydd y cytundeb cynnal a chadw'n gwneud darpariaeth ar gyfer gwiriadau gwasanaeth rheolaidd ar y cyfarpar a fydd yn cynnwys glanhau cromenni neu orchuddion pob tywydd, gwiriadau bod y cyfarpar yn gweithio, ac addasiadau mân y mae angen eu gwneud i leoliadau'r cyfarpar er mwyn cynnal ansawdd y llun.

Bydd y gwaith cynnal a chadw hefyd yn cynnwys archwiliad rheolaidd o'r holl gyfarpar a newid cyfarpar sy'n cyrraedd diwedd ei oes mewn gwasanaeth.

Bydd y cytundeb cynnal a chadw hefyd yn darparu ar gyfer presenoldeb 'brys' gan beiriannydd Teledu Cylch Cyfyng arbenigol ar y safle er mwyn unioni unrhyw golled neu ddiraddiad difrifol o ddelweddau neu reolaeth camerâu.

Bydd y cytundeb cynnal a chadw'n diffinio'r uchafswm cyfnodau a ganiateir ar gyfer presenoldeb gan y peiriannydd ac ar gyfer unioni'r broblem gan ddibynnu ar ddifrifoldeb y digwyddiad a gofynion gweithredol yr elfen honno o'r system.

Cyfrifoldeb rheolwr y system yw sicrhau y cynhelir cofnodion priodol o ran gweithredu'r camerâu ac ymateb i'r sefydliad cynnal a chadw.



## 7.0 Mynediad a Diogelwch ar gyfer y Ganolfan Reoli a'r Cyfarpar Cysylltiedig

### Mynediad Awdurdodedig

Dim ond yr aelodau staff hyfforddedig (trwyddedig) ac awdurdodedig fydd yn gweithredu'r cyfarpar yn yr ystafell fonitro Teledu Cylch Cyfyng (neu gyfarpar sy'n gysylltiedig â'r System Teledu Cylch Cyfyng).

### Mynediad i'r cyhoedd

Gwaherddir mynediad i'r cyhoedd at y cyfleuster monitro a recordio ac eithrio am resymau cyfreithlon, priodol a digonol a dim ond wedyn gydag awdurdodiad personol rheolwr y system. Caiff y fath ymunolweliadau eu cynnal a'u cofnodi'n unol â'r Llawlyfr Gweithdrefnol.

### Ymweliadau Awdurdodedig

Nid yw ymweliadau gan arolygwyr neu archwilwyr yng nghwmpas y paragraff uchod a gallant ddigwydd ar unrhyw adeg, heb rybudd ymlaen llaw. Ni fydd mwy na dau arolygydd neu ddau archwilydd yn ymweld ar unrhyw adeg. Ni fydd Arolygwyr nac Archwilwyr yn dylanwadu ar weithrediad y system yn ystod eu hymweliad. Caiff yr ymweliad ei ohirio os bydd yn weithredol anghyfleus. Dylid cofnodi'r fath ymweliad yn yr un ffordd â'r hyn a ddisgrifiwyd uchod.

### Datganiad Cyfrinachedd

Ni waeth beth yw eu statws, bydd yn ofynnol i'r holl ymwelwyr â'r ystafell fonitro Teledu Cylch Cyfyng, gan gynnwys arolygwyr ac archwilwyr, lofnodi'r llyfr ymwelwyr a chaiff eu manylion eu cofnodi'n electronig ar y system; bydd hyn yn cynnwys datganiad cyfrinachedd.

**Sylwer:** Mae pob tudalen o'r llyfr ymwelwyr yn cynnwys datganiad cyfrinachedd fel nodyn atgoffa parhaus o'u rhwymedigaethau. Mae'r geiriad fel a ganlyn:-

***Wrth gael mynediad i'r man hwn, cydnabyddaf fod union leoliad yr ystafell fonitro Teledu Cylch Cyfyng yn gyfrinachol ac y dylai hynny barhau. Cytunaf hefyd i beidio â datgelu unrhyw wybodaeth a geir neu y digwyddir ei chlywed neu ei gweld yn ystod fy ymweliad.***

***Drwy'r mynediad hwn, ynghyd â'ch llofnod yn y llyfr ymwelwyr, rydych yn derbyn y telerau hyn.***

Mae hysbysiad i'w ddangos wrth fynedfa'r ystafell i roi gwybod i ymwelwyr eu bod yn mynd i mewn i fan cyfyngedig. Cynhwysir hysbysiad nodweddiadol yn Atodiad C

### Diogelwch

Bydd personél awdurdodedig fel arfer yn bresennol ar bob adeg pan ddefnyddir y cyfarpar. Os caiff y cyfleuster monitro ei adael heb oruchwyliaeth am unrhyw reswm, caiff ei diogelu. Os bydd yn rhaid gadael yr ystafell fonitro am resymau diogelwch, cydymffurfir â darpariaethau'r Llawlyfr Gweithdrefnol.

Bydd ymwelwyr a staff yn mynd i mewn i'r ganolfan reoli ac yn ei gadael trwy system fynediad electronig - rhoddir ffob i bersonél awdurdodedig. Rhoddir mynediad i ymwelwyr â llaw a rhaid iddynt lofnodi'r dogfennau angenrheidiol fel y nodwyd yn yr adran hon.

**Sylwer:** Mae camera golwg sefydlog y tu allan i'r ystafell reoli'n rhoi golwg o bobl i'r gweithredwyr cyn y rhoddir mynediad.

## 8.0 Rheoli Deunydd a Recordir

### *Egwyddorion Arweiniol*

At ddibenion y Cod hwn, ystyr 'deunydd a recordio' yw unrhyw ddeunydd a gaiff ei recordio gan gyfarpar technegol sy'n rhan o'r System, neu o ganlyniad iddo, ond yn benodol mae'n cynnwys delweddau a recordir yn ddigidol, trwy eu copïo, gan gynnwys printiau fideo.

Mae gan bob recordiad a geir trwy ddefnyddio'r System y potensial o gynnwys deunydd y mae'n rhaid ei dderbyn mewn tystiolaeth ar ryw adeg yn ystod ei oes.

Rhaid i aelodau'r gymuned fod yn gwbl hyderus y bydd gwybodaeth a recordir am eu gweithgarwch bob dydd arferol trwy rinwedd y System yn cael ei thrin â sylw dyledus i'w hawl unigol i barch at eu bywyd preifat a theuluol.

Felly, beth bynnag yw'r dull neu'r fformat (e.e. copi papur, tâp fideo, tâp digidol, CD, neu unrhyw ffurf ar brosesu a storio electronig) mae o'r pwys mwyaf y trinnir delweddau a geir o'r system yn unol â'r Cod Ymarfer hwn a'r Llawlyfr Gweithdrefnol o'r eiliad y bydd yr ystafell fonitro'n eu cael nes iddynt gael eu dinistrio'n derfynol. Cofnodir pob symudiad a defnydd yn dra manwl.

Bydd mynediad at y deunydd a recordir a'i ddefnydd at y dibenion a ddiffiniwyd yn y Cod Ymarfer hwn yn unig.

Ni fydd deunydd a recordir yn cael ei gopïo, ei werthu, ei gyhoeddi fel arall na'i ddefnyddio at ddibenion masnachol nac er mwyn darparu adloniant.

### *Y safon genedlaethol ar gyfer cyhoeddi data i drydydd parti*

Bydd pob cais i ryddhau data personol a gaiff ei gynhyrchu gan y System Teledu Cylch Cyfyng yn cael ei sianelu trwy Reolwr y System. Bydd Rheolwr y System yn sicrhau y caiff yr egwyddorion yn y Cod Ymarfer hwn eu dilyn ar bob adeg.

Wrth gydymffurfio â'r safon genedlaethol ar gyfer rhyddhau data i drydydd partiön, cyn belled ag y bo'n rhesymol ymarferol, bwriedir diogelu hawliau'r unigolyn i breifatrwydd ac i weithredu'r egwyddorion canlynol:

- Caiff deunydd a recordir ei brosesu'n gyfreithlon ac yn deg, a'i ddefnyddio dim ond at y dibenion sydd wedi'u diffinio yn y Cod Ymarfer hwn;
- Bydd mynediad at ddeunydd a recordir yn digwydd dim ond yn unol â'r safonau a amlinellir yn y Cod Ymarfer hwn;
- Mae cyhoeddi neu ddatgelu data at ddibenion masnachol neu adloniant wedi'i wahardd yn benodol.

Os dangosir deunydd i dystion, gan gynnwys swyddogion heddlu, at ddiben cael tystiolaeth adnabod, rhaid ei ddangos yn unol â'r Llawlyfr Gweithdrefnol.

Gall fod yn fuddiol defnyddio lluniau 'go iawn' ar gyfer hyfforddiant ac addysg y rhai sy'n ymwneud â gweithredu a rheoli systemau Teledu Cylch Cyfyng, ac i'r rhai sy'n ymwneud ag ymchwilio i drosedd, ei hatal a'i chanfod. Bydd unrhyw ddeunydd a recordir trwy rinwedd y system Teledu Cylch Cyfyng hon

yn cael ei ddefnyddio dim ond at y fath ddibenion hyfforddiant ac addysg diffuant. Ni fydd deunydd a recordir yn cael ei gyhoeddi at ddibenion masnachol nac adloniant.

### ***Polisi Recordio***

Yn amodol ar y cyfarpar yn gweithio'n iawn, bydd delweddau o bob camera yn cael eu recordio trwy gydol pob cyfnod 24 awr mewn dull 12 awr oediog, trwy amblecsyddion digidol ar recordwyr digidol Tecton. Bydd nifer y delweddau trwy bob amblecsydd yn golygu na fydd mwy na 2 eiliad rhwng y fframiau olynol pan gânt eu chwarae yn ôl mewn dull oediog.

Bydd delweddau o rai camerâu'n cael eu recordio mewn amser go iawn yn ôl disgrisiwn y gweithredwyr Teledu Cylch Cyfyng neu'n unol â chyfarwyddyd Rheolwr y System.

### **CD/DVD - Darpariaeth ac Ansawdd**

Er mwyn sicrhau ansawdd y disgiau, ac y bydd gwybodaeth a gaiff ei recordio'n bodloni'r meini prawf a amlinellwyd gan ganllawiau'r Swyddfa Gartref, dim ond CD/DVD R, sydd i'w defnyddio gyda'r system.

### ***Cadw***

Bydd lluniau a recordir yn cael eu cadw am 31 o ddyddiau [un mis calendr] cyn recordio drostynt.

Bydd CD/DVDs yn cael eu defnyddio a'u storio'n unol â'r Llawlyfr Gweithdrefnol. Ar ddiwedd eu hoes yn y System Teledu Cylch Cyfyng byddant yn cael eu dinistrio a chaiff y dinistriad ei ardystio.

### ***Cofrestr Disgiau***

Bydd gan bob disg gofnod olrheinio unigryw a gynhelir yn unol â'r Llawlyfr gweithdrefnol.

### ***Trosglwyddo data neu drosglwyddiad electronig***

*Gwnaed darpariaeth i drosglwyddo data i bobl awdurdodedig trwy Egress Switch.*

(Ardystiad Sicrwydd Cynnyrch Masnachol Llywodraeth y DU)

Cedwir llwybr archwilio llwyr o drosglwyddiad y data ar y system a'i recordio ar y prif gyfrif Egress.

### ***Lluniau Tystiolaethol***

Os bydd angen lluniau at ddibenion tystiolaethol, cydymffurfir yn llwyr â'r gweithdrefnau a amlinellir yn y Llawlyfr Gweithdrefnol.

## Atodiad A Personél a Chyfrifoldebau Allweddol

### 1. Perchnogion y System - Cyngor Rhondda Cynon Taf

#### **Rheolwr y System yw**

Uwch-swyddog Teledu Cylch Cyfyng

Ffôn: 01443 494876

Cyngor Bwrdeistref Sirol Rhondda Cynon Taf  
CCTV Control Centre

Ty Elai Williamstown

CF401NY

[Wayne.bluck@rctcbc.gov.uk](mailto:Wayne.bluck@rctcbc.gov.uk)

#### **Cyfrifoldebau:**

- Cyngor Rhondda Cynon Taf yw 'perchennog' y system.
- Y Rheolwr Teledu Cylch Cyfyng fydd yr unig bwynt cyfeirio ar ran y perchnogion.

Atodiad B Arwydd Teledu Cylch Cyfyng RhCT



**CCTV IN OPERATION  
CAMERÂU AR WAITH**

For the purpose of Crime Prevention and Community Safety  
*I ddibenion atal troseddu a diogelu'r gymuned*

System Operator  
**01443 494876**  
Cydllynydd y Sistem



STRONG HERITAGE | STRONG FUTURE  
**RHONDDA CYNON TAF**  
TREFTADAETH GADARN | DYFODOL SICR

**Atodiad C**

**Hysbysiad Mynediad Cyfyngedig**

## RHYBUDD

# MAN MYNEDIAD CYFYNGEDIG

Mae'n ofynnol i bob un, beth bynnag fo'ii statws, sy'n mynd i mewn i'r man hwn lenwi cofnod yn y Llyfr

Ymwelwyr.

Cynghorir ymwelwyr i sylwi ar y cymal cyfrinachedd canlynol ac mae mynediad yn amodol ar dderbyn y cymal hwnnw:

Cymal Cyfrinachedd:

**'Wrth gael mynediad i'r man hwn, rydych yn cydnabod bod union leoliad yr ystafell fonitro Teledu Cylch Cyfyng yn gyfrinachol ac y dylai hynny barhau. Rydych yn cytuno i beidio â datgelu unrhyw wybodaeth a geir neu y digwyddir ei chlywed neu ei gweld yn ystod eich ymweliad. Drwy fynediad, ynghyd â'ch llofnod yn y Llyfr Ymwelwyr, rydych yn derbyn y telerau hyn'.**